

# ÁRANGURSSTJÓRNUNARSAMNINGUR

## milli umhverfisstjórnuneytis og Úrvinnslusjóðs

### I. Tilgangur

Með samningi þessum er kveðið á um gagnkvæmar skyldur umhverfisstjórnuneytis og Úrvinnslusjóðs við útfærslu á lögbundnu hlutverki stofnunarinnar. Tilgangurinn er að festa í sessi ákveðið samskiptaferli milli ráðuneytisins og stofnunarinnar ásamt því að leggja grunn að áætlanagerð og mati á árangri af starfsemi hennar. Með áætlunum sem samkomulagið kveður á um er mótuð stefna til næstu ára. Þessar áætlanir eru stefnumörkun Úrvinnslusjóðs, verkefnaáætlun og rekstraráætlun.

Samningurinn breytir í engu ábyrgð ráðherra gagnvart Alþingi á rekstri stofnunarinnar eða þeim skyldum sem stofnunin hefur samkvæmt lögum. Þá ber stjórnvaldsábyrgð ráðherra með sér að hann getur fellt samninginn úr gildi ef ekki er staðið við ákvæði hans.

### II. Hlutverk Úrvinnslusjóðs

Úrvinnslusjóður er ríkisstofnun undir yfirstjórn umhverfisstjórnuneytis. Stofnunin starfar eftir lögum nr. 162/2002 sem tóku gildi 1. janúar 2003.

#### Meginverkefni Úrvinnslusjóðs samkvæmt lögum eru:

- að sjá um umsýslu úrvinnslugjalds og ráðstöfun þess
- að beita hagrænum hvötum í samstarfi við atvinnulíf, sveitarfélög og þjónustuaðila, til að ná settum markmiðum um endurnýtingu og endurvinnslu
- að skapa sem hagkvæmust skilyrði fyrir endurnotkun og endurnýtingu úrgangs.
- að draga úr magni úrgangs sem fer til endanlegrar förgunar og tryggja viðeigandi förgun
- að stuðla að því að uppfylla mengunarbótaregluna

### III. Markmið og áherslur

Stefna og markmið Úrvinnslusjóðs eru skilgreind í fylgiskjali sem nefnist “Stefnumörkun 2011-2015” og er hluti af samningi þessum. Einnig er meðfylgjandi fylgiskjal sem nefnist “Verkefnaáætlun Úrvinnslusjóðs 2011”. Skjal þetta mun taka breytingum á hverju ári í samræmi við þróun þá sem leiðir af framkvæmd og eftirfylgni markmiðanna.

### IV. Ábyrgð og skyldur Úrvinnslusjóðs

Úrvinnslusjóður skal annast þau verkefni sem stofnuninni eru falin skv. lögum og reglugerðum.

Fjármálastjórn stofnunarinnar skal vera í samræmi við verklagsreglur fjármálaráðuneytisins um framkvæmd fjárlaga, rekstur og stjórnun ríkisstofnana í A-hluta svo og ákvæði laga nr. 88/1997 um fjárreiður ríkisins.

Úrvinnslusjóður skuldbindur sig til að haga rekstri sínum þannig að útgjöld séu innan fjárheimilda og fjármunir séu nýttir á árangursríkan hátt.

Úrvinnslusjóður skal gera áætlun um rekstur sinn og viðfangsefni fyrir eitt ár í senn.

Úrvinnslusjóður skal 1. desember ár hvert skila ráðuneytinu ársáætlun fyrir næsta ár sem innihaldi bæði rekstraráætlun fyrir komandi ár og verkefnaáætlun þar sem tiltekin eru markmið og mælikvarðar innan ársins á grundvelli langtímaáætlunar.

Úrvinnslusjóður skal í upphafi árs skila inn niðurstöðu verkefnaáætlunar liðins árs og skýrslu um hvernig stofnuninni gekk að ná þeim markmiðum sem sett voru fyrir undangengið ár.

Úrvinnslusjóður vinnur að jafni stöðu kynjanna í starfi sínu.

#### **V. Ábyrgð og skyldur ráðuneytis.**

Umhverfissráðuneytið skal kynna stofnuninni tímanlega nýmæli og breytingar á lögum og reglum sem varða starfsemi stofnunarinnar og hafa samráð um mat á kostnaði vegna slíkra breytinga.

Ráðuneytið leggur mat á árangur stofnunarinnar um framkvæmd þeirra verkefna sem samningurinn kveður á um. Mat þetta skal liggja fyrir eigi síðar en mánuði eftir að stofnunin hefur skilað inn gögnum fyrir undangengið ár.

Stefnt skal að því að halda árlega sérstakan fund ráðuneytisins með forstjóra Úrvinnslusjóðs um málefni sem varða forstjóra sérstaklega.

#### **VI. Gagnkvæmar skyldur**

Mikilvægt er að fjárveitingar til starfseminnar séu nægjanlegar til að stofnunin geti sinnt skyldum sínum, þróað starfsemina og búið við góða starfsaðstöðu. Í sameiningu munu samningsaðilar vinna að því að tryggja fjárhagslegan grundvöll stofnunarinnar.

#### **VII. Gildistími og endurskoðun samnings**


Samningurinn tekur gildi við undirritun. Hvor aðili um sig getur óskað eftir endurskoðun samningsins.

Samningur þessu er gerður í tveimur samhljóða eintökum og heldur hvor aðili sínu.

Reykjavík, 21. desember 2010.



Svandís Svavarsdóttir  
umhverfissráðherra



Ólafur Kjartansson  
forstjóri